



## Qulqullinna Qalpii-Kutaa 1ffaa

## Description

Qalbii ofii qulqulleessun maaliif barbaachise? Dhukkubni dhukkuba caalu dhukkuba qalbii akka taâ€™ee siritti hubanne jirraa sila? Baayâ€™een keenya qalbii teenya irraanfanne jirra. Xurii adda addaa irraa ishii qulqulleessu dhiisne addunyaa qofa jala fiigaa jirra. Galaana duniyaa tana jala lixne jirra. Gaafi qalbii ofii qulqulleessun maaliif barbaachise kan jedhutti yoo deebiâ€™u, qalbii ofii qulqulleessun furtuu milkaaâ€™innaati,tuqaa kaâ€™uumsa jijjiramaati. Namni xurii akka munifiqummaa, of tuuluu, jibbaa, waanyoo, fi kkf irraa of qulqlulleessuf carraaqu dhugumatti ni milkaaâ€™a. Namni lubbuu ofii qulqulleesse milkaaâ€™e. Kan of dagate immoo ni hoongaâ€™a. Qurâ€™aanni kana nu mirkaneessa.

قَدْ أَفْلَحَ مَنْ تَزَكَّىٰ

â€œDhugumatti namni of qulqulleesse milkaaâ€™â€¢ Suuraa Aâ€™ala 87:14

فَدُّلْهَمَ زَكَّهَا  
وَدُّلْهَمَ دَسَّهَا

Namni ishii(lubuu) qulqulleesse dhugumatti milkaa™e.

Kan ishii xureesse dhugumatti hoongaa™ Suura Ash-Shams 91:9-10

Rabbiin suuraa namtichaa, qabeenya fi sadarkaa isaa kan ilaalu osoo hin taâ€™in qalbii fi hojii isaa ilaala. Hanga fedhe namtichi bareeda fi soreessa taâ€™ee garuu qalbiin isaa kan badde fi hojiin isaa gaarummaa irraa kan fagaate yoo taâ€™ee Rabbiin biratti gatii wayitu hin qabu. Hadiisa Abu Hureyran gabaasan keessatti Ergamaan Rabbii(SAW) akkana jedhu.

**â€œDhugumatti Rabbiin suuraa fi qabeenya keessan hin ilaalu. Garuu qalbii fi hojiiwwan keessan ilaala.â€ (Sahih Muslim 2564)**

Adeemsi fi haalli namaa kan tolu qalbiin yoo tolteedha. Yoo ishiin badde maaltu tola ree? Haalli jireenya namaan qalbii irratti hundaa™a. bareedinni fi fokkinni amalaan qalbii irraa burqa. Kanaafi Ergamaan Rabbii (SAW) akkana jedhan:

â€œDhugumatti qaama keessa mudgaa(muraa fooniitu) jira. Yoo ishiin tolte qaamni guutun ni tola. Yoo ishiin badde qaamni guutun ni bada. Dhugumatti ishiin qalbiidha.â€ (Sahih Al-Bukhari fi Muslim)

Yoo qalbiin tolte arrabni ni tola, waan gaarii dubbata, waan badaa irraa fagaata. Yoo qalbiin tolte ijji, gurrii, harkii ni tolu. Ijji waan gaarii malee waan badaa hin ilaaltu; gurrii waan gaarii malee waan badaa dhageefachu hin barbaadu; harkii zulmii(miidhaa) hojjachuu irraa ni fagaata. Garuu yoo qalbiin badde, arraabni waan gaarii dubbachuu hin beeku, ijji waan badaa malee waan gaarii ilaalu hin feetu, gurri waan badaa malee waan gaarii dhageefachu hin fedhu. Kanaafi yoo qalbiin tolte qaamni guutun ni tola; yoo qalbiin badde qaamni guutun ni bada jedhameef. Kanaafu barbaachisummaa qalbii ofii qulqulleessu fi yoo qulqulleessu dhiisne immoo badiin hangam guddaa akka taâ€™e erga beekne, qalbii teenya qulqulleessuf carraaqo hin qabnu ree?

**Mindaan qalbiin teenya qulqulleessun argannu maaliidhaa?**

Qalbii ofii qulqulleessun addunya aakiratti(jirenya booda) najaa (nagaha) bahuudha. Akkuma keeyyattonni Qurâ€™aana armaan olii nu dhaamanitti qalbii ofii qulqulleessun biyya lamaanittu milkaaâ€™udha. Namni qalbii ofii xurii adda addaa irraa qulqulleessu nageenya,tasgabbii fi boqonnaa sammuu argata. Namoonni biroo xurii kanniin yommuu rakkatan inni immoo fayyaa argata. Addunyatti nageenya tasgabbii fi jirenya taarii gaageessun yommuu badhaafamu. Aakiratti imnoo wanta kana caalu

**وَمِنْ يَأْتِهِ مُؤْمِنًا قَدْ عَمِلَ الصَّلِحَاتِ فَأُولَئِكَ هُمُ الْمُرْجَحُونَ**

argata.



جَنَّتُ عَدَنٍ تَجْرِي مِنْ تَحْنِهَا الْأَنْهَرُ خَلِدِينَ فِيهَا وَذَلِكَ جَزَاءُ مَنْ



â€œNamni muâ€™mina taâ€™ee [fi] hojji gaggaarii hojjatee Isatti dhufe, isaan sun sadarkaalee olâ€™aanotu isaaniif jira.Jannata qubsumaa kan jala ishii laggeen yaaâ€™antu [isaanif jira]. Achi keessa yeroo hundaa jiraatu. Kuni mindaa nama of qulqulleesseti.â€ Suuraa Xaahaa 20:75-76

## Dhukkuboонни qalbii maal faâ€™aa?

Nuti mataa keenyan dhukkuba ofirratti beekne yoo of fayyisuuf hin caraaqin eenyulle dhukkuba keenya beeke nu hin fayyisu. Hojji hojjannuu guutuun itti gaafatamoon nuhi. Gaariis badas yoo hojjanne numarratti deebiâ€™a. Jirenyaa nageenya hordofuu fi qalbii fayyaa qabachuuf dhukkuboota qalbii addaan baasu fi faayyisuun baayâ€™ee barbaachisaadha. Dhukkuba qalbii yeroo jennu yeroo baayâ€™ee wanti mataa keenya qaxxaamuru heart attack (onneen dhiiga raabsu irraa hojji dhaabu)dha. Dhukkubni dhugaan ilma namaa huubaa jiru kana osoo hin taâ€™in dhukkuba afuurati(spiritual). Dhukkuboонни qalbii kana fakkaatu: Shirkii (Rabbiitti waa qindeessu, Isa waliin yookiin Isaan ala wanta biraa gabbaruu), shakkii, fuula lama taâ€™uu(munaafiqummaa), riyaa(na argaa), of tuuluu (kibr), jibba, waanyu, dhara yaadu, haafaâ€™uu(greediness), doyâ€™ummaa(stinginess), sobuu,gowwomsuu fi kkf.

### Shirkii (Rabbitti waa qindeessu ykn Rabbiin ala wanta biraa gabbaru)

Shirkiin yakka yakka caaludha. Namni tokko nama ajjeessu yookiin gudeedu dandaâ€™a. garuu yakkii kuni yakka shirkiiti gadi. Sababni isaas, shirkiin mirga Rabbii Mootii moottota kan taâ€™ee dhiiba. Kan lammataa immoo mirga uumamtoota dhiiba. Mirgi Mooti mottotaa dhiibamu wayya moo mirgi uumamtoota dhiibamu wayya? Kan nama uume,nyaachisu,obaasu, rakkoo keessaa kan baasu Rabbiin taâ€™ee osoo jiru Isa waliin yookiin Isaan ala kan biraa gabbaruun akkamitti badii xiqqaa taâ€™a ree? Si uume, nyaachise, wanta barbaaddu sii guute,ergasi Ana qofa gabbarii yoo siin jedhu,ati garuu kan si hin fayyanne fi hin miine yoo gabbartuu/waqeefattu, Gooftaa addunyaatti yommuu finciltu yakkii isaa hangam ulfaatadha? Yakki kana caale eessa jira laata? Qurâ€™aanni zulmiin guddaan shirkii akka taâ€™ee nuu dhaama:

وَإِذْ قَالَ لَقْمَنُ لِأَبْنِيهِ وَهُوَ يَعْظُهُ، يَبْنَى لَا شَرِكَ بِاللَّهِ إِنَّ  
١٣  
 أَلْشِرِكَ لَظُلْمٌ عَظِيمٌ

â€œYeroo Luqman ilma isaa odoo gorsuu,â€™Yaa ilma kiyya Rabbiitti waa hin qindeessin. Dhugumatti shirkiin zulmii(badii,yakka,miidhaa) guddaadha.â€™ Jedhe yaadadhuâ€™ Suuraa Luqmaan 31:13

Namni osoo shirkii hojjatu yoo duâ€™ee gonkumaa Rabbiin hin araaramuuf:

إِنَّ اللَّهَ لَا يَغْفِرُ أَن يُشْرِكَ بِهِ وَيَغْفِرُ مَا دُونَ ذَلِكَ لِمَن يَشَاءُ وَمَنْ  
٤٨  
 يُشْرِكَ بِاللَّهِ فَقَدِ افْتَرَ إِثْمًا عَظِيمًا

â€œDhugumatti Rabbiin Isatti waa qindeefamuu hin araaramu. Waan sanaa gadii nama fedheef ni araarama. Namni Rabbitti qindeesse dhugumatti cubbuu guddaa uumera.â€™ Suuraa An-Nisaa 4:48

Garuu yoo gara Rabbii deebiâ€™ee fi cubbuu shirkii dhiise, Rabbiin ni araaramaaaf. Kanaan ala garuu Iyyasuus(nageenya isarratti haa jiraatu) gooftaa kiyya, ebalu goofta kiyyaa osoo jedhu namtichi yoo duâ€™e ibidda malee wanti biraa wanti isa eeggatu tokkolle hin jiru

لَقَدْ كَفَرَ الظَّالِمُونَ قَالُوا إِنَّهُ هُوَ الْمَسِيحُ ابْنُ مَرْيَمَ وَقَالَ

الْمَسِيحُ يَبْنِي إِسْرَائِيلَ أَعْبُدُوهُ أَللَّهُ رَبِّي وَرَبَّكُمْ إِنَّهُ مَنْ يُشَرِّكُ

بِاللَّهِ فَقَدْ حَرَمَ اللَّهُ عَلَيْهِ الْجَنَّةَ وَمَاوَلَهُ النَّارُ وَمَا لِلظَّالِمِينَ مِنْ

أَنْكَارٍ



â€œIrsaan Rabbiin Masiih ilma Mariyam jedhan dhugumatti kafaranii(kaadanii) jiru. Masihiis (Iyyasuus) ni jedhe:â€™Yaa ilmaan Israaâ€™il! Rabbi Gooftaa kiyyaa fi Gooftaa keessan taâ€™e gabbaraa. Dhugumatti namni Rabbitti waa qindeesse Rabbiin isarratti Jannata haraama(dhowwaa) taasiseera. Teessoon isaas ibidda. Miidhaa raawwatootafis tuumsitooni hin jiran.â€ Suuraa Al-Maaâ€™ida 5:72

Qalbii teanya shirkii irraa qulqulleessuf carraaqu qabna. Hanga fedhe namtichi hojii gaarii haa hojjattu shirkii hojii isaa guutu balleessiti. Dhukkubni shirkii qalbii jaamsa, ni dukkaneessa. Qalbiin yommuu shirkii haguggamtu, hammeenya malee gara laafummaan irraa hin mulâ€™atu, rahmanni irraa hin eeggamu. Mushrikoota(namoota Rabbiitti waa qindeessan) hangam qalbiin isaani akka jabaattu mee ilaala? Waan gaarii namaa yaadu hin beekan. Shirkiin madda cunqursaati fi gabrummaati. Namni Rabbiin ala wanta biraababruu ni cunqurfamaa, ni gabroofama. Osoo hanga fedhe bilisummaa argadhe jedhe lallabee yoo Rabbi tokkicha qofa hin gabbarin, gabrummaa fi wallaalummaa ofii malee wanta biraababruu hin jiru. Namni Rabbiin ala wanta biraababruu gabrummaa namaasheyxana, fedhii ofii, duniyaa jalatti kufa. Bilisummaa fi gammachuu hin argatu.

Rabbii tokkicha qofa gabbaruun akkam namatti tolaa! Rabbi tokkicha qofaa gabroomta. Kan gabroomtus faaydaa Isaatif osoo hin taâ€™in faaydaa mataa keeti qofaatif. Isa qofa gammachiisuf carraaqxa. Yommuu Isa qofaa gabroomtu baâ€™aa meeqa ofiraa buustaa! Gabrummaa namoota,sheyxaana, nafsee fi kkf jala ni baata. Qalbiin tee nageenya fi boqonnaa argatti. Tikaa fi eeggumsa Rabbirraa argatta. Qalbiin tee hin jaamtu. Dandeetti xinxallii fi wantoota addaan baasu horatta.

Qalbiin dhukkuba shirkii irraa yoo qulqulloofte dhukkuboota biroo qulqulleessun ni salphata. Hiddi Laa ilah illaAllah (Rabbitiin malee kan haqaan gabbaruu hin jiru) qalbii irratti sirritti lafa yoo qabate mukni asirratti biqiluu buâ€™aa baayâ€™ee buusa. Habaabon hojii gaggaari asirratti daraaru. Firiin isaas guddaadha. Hojiin gaariin tunii Rabbitiin biratti fudhatama argatti. Garuu hiddi Laa ilah illaAllah qalbii irra yoo hin jiraatin habaabon hojii gaarii maal irratti daraara? Dhaaba hin qabu. Hojiin gaariin achumatti coolage yookiin goge hafa. Rabbitiin biratti gonkumaa fudhatama hin argattu.

Dhukkuba shirkii fayyiisuuf gara Qurâ€™aana qajeelu fi Sunnaa Ergamaa Rabbiti(SAW) hordofuudha. Beekumsa shirkii qabaachun baayâ€™ee barbaachisadha. shirkii karaa adda addaatin namatti dhufa. Gosoota shirkii addaan baasne of eegganoon jirenyaa keessa tarkaanfachu qabna. Balaan shirkii dhufu balaa hunda caaludha. Dallansuu Rabbiti namatti fida, adabbii hamaan sababa isaatin nama tuqa. Ummatooni darbaan sababa shirkii mitii kan halaakaman(badan)! Gariin isaani bubbee hamaan,gariin

isaani bishaanin,gariin sochii lafaatin,gariin isaani immoo iyyinsa hamaatin halaakaman. kuni hundii sababa shirkii fi cubbuu isaa gadiit. Kanaafu qalbii teenya shirkii irraa qulqulleessuf carraaqi guddaa nu barbaachisa. Rabbiin shirkii dhokataa fi ifaa,kan nu beeknu fi hin beekne irraa akka nu eegu kadhachuu qabna.

â€œYaa Kan qalpii Jijjirtuu hoo! qalpii koo Diinii(amantii) kee irratti gadi dhaabi.â€

رَبَّنَا لَا تُزِغْ قُلُوبَنَا بَعْدَ إِذْ هَدَيْتَنَا وَهَبْ لَنَا مِنْ لَدُنْكَ رَحْمَةً إِنَّكَ أَنْتَ



**Gooftaa keenya erga nu qajeelchitee booda onnee keenya dhugaa irraa hin jallisin. Si biraas rahmata nuuf kenni.Dhugumatti Ati akkaan kennaadha.** Suura Ali-Imraan 3:8

Yaa Rabbii qalpii teenya qulqulleessi,aybii(dogongora) keenya nu haguugi. Amiin Yaa Rabbii. Hanga torbaan kutaa itti aanun wal agarutti Assalaamu aleykum wr wb

Like: [www.facebook.com/jireenyabadhaatu](http://www.facebook.com/jireenyabadhaatu)

## Date Created

February 20, 2016

Author

admin